

衢州文獻集成

〔子部〕

第
159
冊

衢州文獻集成

黃靈庚 諸葛慧艷

主編

〔子部〕

第
159
冊

國家圖書館出版社

(元)釋惟則會解 (明)釋傳燈疏

大佛頂首楞嚴經圓通疏十卷
(卷九至十)

清光緒三年(1877)刻本

(卷三據《卅續藏經》(藏經書院版)《本配補》)

第一五九冊目錄

大佛頂首楞嚴經圓通疏十卷(卷九至十)

(元)釋惟則會解 (明)釋傳燈疏
清光緒三年(1877)刻本(卷三據

..... 一

《卅續藏經(藏經書院版)》本配補)

妙法蓮華經玄義輯略一卷

(明)釋傳燈錄
《卅續藏經(藏經書院版)》本

..... 三六五

維摩詰所說經無我疏十二卷(卷一至二)

(明)釋傳燈撰
《卅續藏經(藏經書院版)》本

..... 四四五


支那
撰述

佛頂楞嚴經圓通疏卷九



139039

9



大佛頂如來密因修證了義諸菩薩萬行首楞嚴經
卷第九

師子林沙門惟則會解 天台沙門傳燈圓通疏

二色界二初別明四初正釋三初梵衆天

○阿難世間一切所修心人不假禪那無有智慧但
能執身不行婬欲若行若坐想念俱無愛染不生無
留欲界是人應念身爲梵侶如是一類名梵衆天

溫陵曰。前明六天。雖出塵擾。而未能絕欲。故通名
欲界。自此而下。明十八天。雖離欲染。尚有色質。故
通名色界。又通名梵世。爲已離欲染也。通號四禪。
爲已離散動也。欲天但十善感生。此天兼禪定感
生。然特有漏禪觀六事行耳。六行者。厭欲界是苦。
是麤。是障。欣色界是淨。是妙。是離。此則凡夫伏惑。

超世間道也不假禪那等者言雖非正修真三摩
地無真智慧但修六行伏欲使愛染不生則不留
欲界麤惑不染淨報現前故卽生梵世初名梵衆
則衆庶而已次名梵輔乃大梵宰輔而終於大梵
其進有序

天台曰不假禪那無有智慧但能執身不行婬欲
者此揀但有事戒不能生大乘定慧也意願世間

戒同小乘。但執身無犯。非同大乘。身心俱斷。如斯大戒。能生大定。大定能生大慧。破煩惱出三界。罔不由斯。然此猶作次第而說。若圓頓教人發軔。卽修大定。依此定而修戒。修施修忍。修進廣。大智慧。一以妙定而爲之指南。溫陵師釋此初天。凡有三義。以受三名。一離欲染。尚有。色質。故通名色界。已離欲染。故通名。梵世。已離散動。故通。號四禪。言六行者。俱舍論頌曰。世無間解脫。如次緣下上。作麤苦障行及淨妙離三。論曰。世俗無間及解脫道。如此能緣下地。上地爲麤苦障及淨妙離。謂無間道緣自次下。諸有漏法作麤苦障三行相中。隨一行相。非寂靜故。麤非美妙故。苦非出離故障。淨妙離三翻此應知。謂若精進作此六行。斷結之道。伏却下地煩惱。命終卽受上二界生。又六行欣厭各三。若所欣厭體。則隨何地。各各不同。如欲惡不善爲初禪所厭。尋伺爲二禪所厭。乃至無所有寂然而住。爲有頂所厭。如次欣上。亦例可知。又初禪爲下未至地。心所欣爲淨妙離。爲他二禪近分地。心所

厭爲麤苦障。則欲界法惟是所厭。非欣。有頂地法惟是所欣。非厭。中間地法通可厭。可欣。天台曰。欣厭者。出塵之初。門學道之捷徑。苟微此法。則煩惱生死何由可離。菩提涅槃。繫何因可證。亦求其所厭之苦。麤障。所欣之淨妙離。何如耳。若約其至極者言之。則等覺菩薩。猶有一分微細煩惱。變易生死之苦。麤障者。之可厭。妙覺如來。菩提涅槃。淨妙離者。之可欣。惟圓人以平等無欣厭者。爲欣厭。不二而生諸緣。爲苦麤障。是可厭。則六行觀。非首楞嚴王之助道乎。

二梵輔天

○欲習旣除。離欲心現。於諸律儀。愛樂隨順。是人應時能行梵德。如是一類。名梵輔天。

溫陵曰初天但能執身伏欲此天又得定共戒以
順律儀行梵德故超之也戒定相應各定共戒

天台曰溫陵師謂此天又得定共戒者夫戒以防
非止惡爲義初天但能執身伏欲猶有勉強防止
之事今則欲習既除離欲心現心現則初禪成就
心無邪動非不防而自息惡不止而自無此之淨
戒與定俱發謂之定共戒故得
於諸律儀心愛樂而體隨順也

三天梵天

○身心妙圓威儀不缺清淨禁戒加以明悟是人應
時能統梵衆爲大梵王如是一類名大梵天

溫陵曰由前淨心威儀戒行而進至於妙圓清淨
又加以明悟超達則盛德之至故爲梵王孤山曰
上三天不顯言修禪惟言持戒者蓋此經扶律以
勵未來故也資中曰大梵天劫末後去劫成先來
外道不測故執爲常也

天台曰身心妙圓威儀不缺結上義也清淨禁戒
加以明悟正釋此天也
定共禁戒故曰清淨

二結示

○阿難。此三勝流一切苦惱所不能逼。雖非正修真三摩地。清淨心中。諸漏不動。名爲初禪。

溫陵曰。已離欲界八苦。故曰苦惱不逼。已離散動欲心。故曰諸漏不動。俱舍云。此名離生喜樂地。謂離欲界雜惡生得輕安樂也。孤山曰。禪有四類。一有漏禪。卽今四禪也。二無漏禪。謂九想八背等。三

亦有漏亦無漏禪謂六妙通明等四非有漏非無
漏禪卽今經首楞嚴王中道理定今云雖非正修
真三摩地此以第一簡非第四清淨心中正指初

禪也

吳興曰初禪修五法離五蓋成五支具八觸十功
德相五法者欲念精進定慧一心五蓋者貪欲瞋
恚睡眠掉悔疑五支者覺觀喜樂一心八觸者動
痒涼暖輕重澁滑復有八觸掉猗冷熱浮沉堅軟
此八雖與前觸大同若約分別不無小異合而言
之名十六觸十功德者一定二空三明淨四喜悅

五樂六善心。七知見明了。八無累解脫。九境界現前。十心調柔軟。前梵衆天。壽二十小劫。身半由旬。次梵輔天。壽四十小劫。身一由旬。今大梵天王。壽六十小劫。身一由旬半。貌如童子。身白銀色。衣黃金衣。禪悅爲食。與前二天。感報略同。

二明二禪二初正釋三初少光天

○阿難其次梵天統攝梵人圓滿梵行。澄心不動寂湛生光。如是一類名少光天。

溫陵曰此躡大梵之行升進資中曰二禪已上無有語言。但以定心發光。光有勝劣。分其高下。

天台曰其次二字爲少光天之發辭。梵天下。逆指
初禪之尊者統攝梵人之梵行。旣圓則澄心不動
而寂湛生光。澄心不動猶是梵天之行。至於寂湛
生光方是二禪功德。蓋此天以光之多少而分等
級。其光尚少。故名少光。天圓滿梵行有二。一正行
卽初根本禪。二加行卽四無量心。交光謂寂湛生
光。如水澄成映而靜極發照用也。又設問曰此與
菩薩寂照何殊。荅曰人法二執毫髮未動。但以離
欲得定。定深生照而已。此其別也。不知文中但云
寂湛生光。何曾云生照。卽使生照又何必以菩薩
爲妨。卽使爲妨。又何必以二執動未動爲解。要知
寂照功夫邪正凡聖。小大偏圓皆有之。亦但問其
理之何如。解之進不爾。至如圓人。初修大定。人法
俱未伏斷。不得言寂照乎。鸚鵡強學人語。
隔簾幙以誑嚇無知。三尺家僮亦知其謬。

二無量光天

○光光相然照耀無盡映十方界徧成琉璃。如是一